


欽定戸部則例

第 兩

ワ 4

6643

60





欽定戶部則例卷一百

通例四

奏報糧價

裁減玉貢

駁查案件

開送職名

違例出結

新疆奏銷

釐弊禁令

同治十三年校刊 戶部則例卷一百 通例 一目錄

餽送禁令

繙譯清漢文案

題奏疏冊體式

年底彙題事件

更定題咨章程

革除修例定限

採辦報銷限期

嚴禁官價科買

現審田房詞訟

欽定戶部則例卷一百

通例四

奏報糧價

各省督撫奏報糧價務宜詳慎確核市集實
 價比較上月增減按月詳細造冊報部不得
 聽舖戶等故擡價值亦不得止就輕價虛開
 粉飾查報遲延照例議處

裁減玉貢

嘉慶十七年奉

上諭國家自平定西域以來和闐葉爾羌歲貢璞玉山
 川所產獻致上方亦猶任土作貢之義每歲所貢約
 踰肆千觔擇其良者追琢成器其餘充物內廷歷年
 所積不可勝數新疆距京萬有餘里長途輦運勞費
 頗繁頓置無用何如損之之為益乎嗣後宜減其額
 歲貢以貳千觔為率惟歲額既省該管大臣不得以
 下劣充數宜擇其溫潤精良者備制器之選無俾貨

戶部具例卷一百
棄於地焉欽此

駁本一案件

一直省到部奏銷錢糧案件例應駁查至三次
以後該省仍未遵駁完結者由部具摺聲奏
或按例核減飭交經手官員照賠完案或據
情酌予豁銷務令尅期速結統於歲底將未
完各案彙摺具奏

一各司承辦題銷錢糧如銀款大數已符獨零
數舛錯在貳拾兩以下者將不符情由行查
咨結不必駁令具題若銀米各數祇有釐毫

勾合不符者卽予隨案更正飭知查照毋庸駁詰

一各省各年地丁案內駁查各款奏銷後定限五年內完結由部核明於年終彙奏如逾限不完卽行嚴參議處

一行查外省事件如部駁至再仍行含糊聲覆者卽核明本案題駁并將該督撫及承辦之員隨本參處如經部駁查三次仍不遵駁核實造報者除將本案情節照例奏明分別減

准完結外卽將該督撫及承辦官隨摺參奏分別議處

一各省奉部駁查及咨取造冊事件均於接到部文日起扣除程限在省衙門核覆者限二十日內出咨如有必須轉行各屬查覆以及款項過多應造冊聲覆者扣除程限限一箇月內出咨或因報銷錢糧款項繁冗一時不能確核者卽於限內咨明扣展倘有遲延分別議處

一凡部行查事件核計各省程途遠近按月查核其有例限已屆尚未覆到者卽行嚴催如承辦司員並不查催任其稽延者卽將承辦之員查叅議處

一在京八旗各營及提督衙門如有文移經部駁查者限十日內咨覆倘有遲延卽行查叅議處至各省駐防將軍都統副都統及新疆各處辦事大臣奉部駁查事件均照外省督撫之例辦理

一部院行查各直省事件如經行催未覆逾十案以上者卽將該督撫奏請交部議處以儆玩延

開送職名

一各衙門有承辦錯誤應送該司員職名議處
及有應行議敘之處均將闕司開送毋得僅
送一二人以昭平允

一凡各直省奉部行取各職名經該督撫查明
事出有因咨請邀免由部察核應免者核准
其應議者一面飭令遵照原行開送一面移
咨吏部按例查議

新疆奏銷

乾隆四十二年奉

上諭據慶桂奏四十一年分塔爾巴哈臺銷算事件各摺已逐一批交該部議奏前此各處有奏到者亦一例批交矣此等請銷案件令各該管之將軍大臣等具摺奏辦毋庸轉行總督覈題原欲使各該處辦理簡便乃各該處分款具摺每奏多至四五件轉不免繁瑣嗣後着各該將軍大臣等將應行奏銷各案事由總敘一摺其各款止須分別四柱清單一併進呈

以便交該部彙覈將此傳諭新疆辦事各大臣一體遵照並諭令戶部知之欽此

一鎮迪道各屬每年地丁錢糧造具考成冊籍由該道彙齊合造總冊呈齋都統查覈後於次年三月內咨送內地專案請題

一鎮迪道屬各官役每歲應需養廉俸工銀兩除哈密廳仍歸安肅道管轄外其餘各屬於先一年三月內造具估冊請咨內地隨餉估撥搭解迪化州庫存儲於季底具支呈道掛

發支領仍飭鎮迪道嚴加稽核其每年支過銀兩由道提總呈齋都統核明移送內地統隨新疆各項奏銷專案題報

一鎮迪道屬倉穀奏銷照依每年供支新疆細冊核計開除倉糧於鎮迪二府州屬造報供支新疆各案奏銷呈送內地後即將倉穀奏銷核造齊全由道核明提造總冊於次年四月內呈送內地會辦題銷

一鎮迪道屬每年民借籽種口糧由該府州詳

報鎮迪道據實確核由道呈請都統核定委員監散結報一面移咨總督報部仍於本年秋收後徵收全完報部銷案如有未完著落催徵不力之地方官如數賠補並照例議處

一鎮迪道屬每年年底盤查照依內地州縣倉庫錢糧截至該年十月底止由本管道府州親往盤查加具切實印結於十一月內呈請都統咨送內地會辦

一鎮迪道屬每年民穀總數該都統通飭所屬將戶民倉儲截至八月底止造具四柱總冊於十月內咨送內地彙造黃冊具奏仍令各該處於次年六月內造具穀數細冊移送內地彙請咨部

一鎮迪道屬各州縣額設經制官役並戶屯丁口地畝以及應徵錢糧亦照內地之例分晰造具細數清冊由該管道府覈明齎送內地造入賦役全書每遇刊刻之年仍令各該州縣等一律造報

一鎮迪道所屬地方禾苗播種齊全及得雨滋長情形收成分數等案經由烏嚕木齊都統具奏毋庸咨會內地

一鎮迪二府州屬及吐魯番廳如遇初案動支錢糧事件裝敘例案隨時由府州依次確覈詳請移咨內地覈明報部

一鎮迪二府州屬安插新到各項戶民借給房馬價銀并口糧銀糧於三年六年陞科後分作三年帶徵仍將每年帶徵錢糧分晰已未完欠數目於次年正月內按款造具細數清冊由府州呈道彙送內地核辦報部

一鎮迪二府州屬每年供支監禁人犯及解送各處遣犯鹽菜口糧并一切例支款目及開耗各項奏銷由鎮迪道造具總冊於次年六月內呈送內地會辦如司庫有原估各項銀兩俟造銷後照數提還經費若無原估銀兩准其作正項開銷

一烏嚕木齊滿營每年俸餉糧料草束等項奏

銷由迪化州吐魯番廳奇臺縣宜禾縣造報
於冊首先列原估銀糧草束數目然後按月
造具兵馬開收實在並列支食銀糧細數其
守節寡婦應支銀糧卽在扣存建曠項下動
用如有餘剩列入實在項下造報仍隨新疆
各冊由道彙齊呈送都統核明移送內地會
題至滿營出差官兵應支銀糧仍入新疆奏
銷案內另冊開送

一西北兩路及新疆各處將軍大臣都統每年
奏銷均於次年四月造具總散清冊咨部會
覈彙題毋庸另行具奏

一回疆各處除吐魯番迤東設有府廳州縣者
其錢糧奏銷會同陝甘總督查覈確實報銷
外至烏什葉爾羌喀什噶爾庫車喀喇沙爾
等處每年奏銷准其徑由各該處辦事大臣
自行報銷仍於奏銷時一面咨部一面將各
項錢糧數目分晰移咨陝甘總督隨時查察
如各該處經管司員有任意支銷侵蝕者惟

辦事大臣是問

釐弊禁令

乾隆六十年奉

上諭據魁倫等奏伊轍布平日倉庫賬目顛倒錯謬惟劣幕吳義添一人之言是聽現將該犯偵緝到案訊據供稱實因糊塗貪戀束脩朦混伊轍布作弊是有的應將吳義添在省城枷號三箇月發往額魯特爲奴仍將該犯家產抄沒入官等語此等劣幕於錢穀旣不諳習輒因貪戀脩金辦理公務顛倒錯亂作弊以致本官身罹重罪而幕友轉得坐擁厚貲置身事

外甚屬可惡今魁倫等將吳義添查出究辦不致漏網辦理甚是因念其究由伊轍布貪贖不法該犯祇係聽從作弊尙無關涉人命之事業經魁倫等將該犯枷號滿日發往額魯特爲奴抄沒家產已足蔽辜示懲若有人命等事必將該犯正法其罪尙不止於遠戍但此等幕友滋事各省俱所不免著各督撫通行傳知各衙門幕友嗣後務宜小心安分如再有朦混作弊甚至釀成人命者必當立正典刑不能如吳義添之幸邀末減也又據魁倫等奏查抄錢受椿任

所衣物一摺內稱提訊家人書役等僉供並無寄頓似屬可信等語外省長隨書役往往倚恃本官聲勢嚇詐訛索雖訊無隱匿情弊其平日亦必非安分之徒所有錢受椿案內長隨范三吉書役蔣開濬等均著枷號三箇月分別革役遞籍以示懲儆欽此

嘉慶四年奉

上諭有人條奏外省積弊四項一係督撫司道經過所屬州縣隨從動百餘人公館至五六處需索規禮供應以致州縣藉詞派及閭閻一係由京出差大員經

過省分督撫司道差人迎送逐日隨行途中致送筵席每站勒索分例此等家人之費浮於所應之差一係督撫司道衙門到任鋪設器用修理房屋餵養馬匹以及涼棚煤炭皆由首縣承辦攤派各邑其各府由首縣承值者弊亦相等一係設宴徵歌廣覓優伶另集成班官為參養亦由首縣承值一宴犒賞費數百金陪席屬員深以為苦甚或畜養優童任情妄費等語所言皆切中時弊朕所素知各省督撫藩臬道府俸廉優厚理應潔已奉公正色率屬即遇事公出

自當輕騎減從過境差員何必入送迎至衙署鋪設器具一切用費尤宜淳樸自出餘廉何得令首縣承值以致攤及通省若宴會之事本下功令乃經蓄養戲班開宴聚飲以屬員之犒賚肥饒伶之橐囊如王直望福崧等事更屬不成政體况州縣為牧養百姓之官上司有稽查倉庫之責大吏不能體恤屬員以致虧缺公帑是無異自取家資以供浪費也州縣無以供應大吏以致剝削民膏是無異自腹子孫以肥祖父也試問小民不安室家屬員致有虧缺甚或釀

出事端致成大費地方長吏獨能逃罪乎特此明白
宣諭嗣後督撫藩臬道府各員務當力加整頓改滌
前非經此次訓誡之後倘敢視為具文仍蹈故轍一
經覺察或被入指參必當重治其罪不稍寬貸毋謂
教之不預也將此通諭知之欽此 又奉

上諭福建布政使李殿圖條奏病農弊端一摺據稱騾
馬為農家要具乾隆三十年以前農家必蓄騾馬三
四頭以供耕種遇有差務亦可藉得官價嗣後地方
官不察民情漸多滋擾或有差而得錢買放或無差

而假名需索甚至此站打過下站此邑協濟他邑以
致倒斃過多於是賣騾馬而蓄牛驢者十之八九地
方官遇有差使又於各里派養騾馬以備調用甚或
設立差局昂價受僱仍向民間浮攤應請查明革除
俾民間爭蓄騾馬於農田官差兩有裨益又稱地方
獄訟必須有司敏速審結開釋無辜小民始得安業
然良吏絕少往往債主長隨把持左右本官孤立無
助任聽謀差買票以兩造之肥瘠為票價之厚薄種
種株連擾累小民廢時失業最為積弊又稱各省常

戶部具保卷一百
平倉積久弊生卽無須接濟之年亦以出陳易新藉
詞支放染指分肥出倉旣已短發還倉又復浮收良
民未受其益官倉已被其虧嗣後無災年分應請不
准出借以除民累又稱書辦衙役本有額設近則人
思寄跡公門以免徭役一邑之中盈千累百數倍從
前關津稅口衙門長隨等亦呼朋引類所在皆然應
嚴行禁止等語所奏皆切中時弊著通諭直省督撫
一體留心查察徐加化導以期崇儉去奢俾小民務
本力農衣食之原益臻充裕欽此 又奉

上諭朕恭膺

皇考硃筆有嚴禁內外大臣呈進貢物

諭旨二道

聖諭煌煌

垂誠至爲明切夫貢之爲義始於禹貢原指任土作貢
而言並非崇尚珍奇所謂不貴異物賤用物也我
皇考頒諭飭禁至再至三祇因和坤攬權納賄凡遇外
省督撫等呈進物件准遞與否必須先向和坤關白
伊卽擅自准駁明示有權而督撫等所進貢物在

皇考不過賞收一二件其餘盡入和珅私宅是以我皇考雖屢經禁止仍未杜絕試思外省備辦玉銅磁書畫插屏掛屏等件豈皆出自己貲必下而取之州縣而州縣又必取之百姓稍不足數敲撲隨之以閭閻有限之脂膏供官吏無窮之臉削民何以堪况此等古玩饑不可食寒不可衣真糞土之不若而以奇貨視之可乎國家百數十年來昇平昌阜財富豐盈內府所存陳設物件充物駢羅現在幾於無可收貯之處且所貢之物斷不能勝於大內所藏卽或較勝視之直如糞土也朕之所寶者惟在時和年豐民物康阜得賢才以分理庶政方爲國家至寶耳至應進土貢原爲日用所必需如吉林黑龍江將軍每年所進貂皮東珠人參係該處所產之物其他如川廣之藥材九江之磁器江浙之綢緞及徽墨湖筆牋紙茶葉瓜果等項原不外任土作貢之義仍准按例呈進所有如意玉銅磁書畫掛屏插屏等物嗣後概不許呈進至在京王公大臣每年所進分例尙不能敷當差之用豈有餘貲亦不許呈進貢物若內廷翰林所錄

御製詩文冊頁及自作書畫等件尙可呈進斷不許
增入古玩至各省鹽政織造關差等並無地方理事
之責其應交盈餘銀兩現今戶部查明方擬酌減伊
等辦公更可裕如應進貢物准其照例呈進再年節
王公大臣督撫等所進如意取兆吉祥殊覺無謂諸
臣以爲如意而朕觀之轉不如意也亦著一併禁止
經朕此次嚴諭之後諸臣等有將所禁之物呈進者
卽以違制論決不稍貸特此明白宣示通諭中外知
之欽此

咸豐二年奉

上諭御史周有籃奏軍營員弁浮冒錢糧請嚴行稽察
一摺據稱軍營統兵員弁希圖浮歛錢糧捏報名數
以少報多管帶練勇之員率皆效尤陣亡兵勇數目
並不據實開報總局大員明知不查豫爲奏銷地步
致軍需要款半歸私橐所奏切中情弊自軍興以來
疊經該部行查調兵到營日期及傷亡裁撤數目等
款並未據該省奏到其爲意存虛捏已可概見當此
紛紛籌餉之時何堪任聽劣員從中漁利著現在辦

同治十三年校刊

戶部則例卷一百 通例

七

理軍務之大臣督撫等嚴飭管理糧臺總局各員詳細稽察卽將藉端舞弊昧良肥己劣員指名嚴叅以肅功令而慎度支又片奏各員動用帑項每於奏銷時先遣人與戶部經承議定部費豫防部駁等語各部院衙門書吏因公需索大干例禁著各該堂官督飭司員隨時察查如有部費名目及各項弊端著卽奏交刑部嚴行治罪毋稍姑容將此通諭知之欽此

餽送禁令

嘉慶五年奉

上諭前派侍郎明安往泰山進香本日明安回京奏稱該侍郎於山東起程時東省地方官公備土物并贖銀八百兩致送明安僅收土物其銀兩不肯收受該地方官再四懇收明安仍行固却并告以如必令伊收受銀兩回京後亦不敢不據實奏聞該地方官又復諄懇并稱奏聞亦屬不礙此項銀兩現在帶京等語殊堪詫異朕上年親政以來嚴絕貢獻復節經頒

發諭旨禁止賂遺所以澄治源而肅官紀者至爲明
諭內外大小臣工久宜凜遵何得復有餽送之事此
等往來交際本屬私情卽間有之亦當慮朕察出何
竟敢云奏聞亦屬不礙是誠何語蔣兆奎全保俱著
傳旨申飭至此項銀兩旣據明安以實奏聞卽著賞
給明安來年明安再赴山東進香時不得再行餽送
向來地方官於出差之人員內遇有家道清苦或係
自備資斧因而量爲飲助以盡地主之誼原所時有
想如明安以侍郎大員馳驛前往本有廩給口糧而
來去又祇旬餘復何藉該地方官慙慙贈遺爲耶嗣
後各該督撫及司道等官務當凜遵節次諭旨滯除
陋習毋得任意應酬不知節省繁費致漸蹈苞苴惡
習卽有仍前餽遺銀兩者經朕訪查得實或經出差
之員自行奏明必將該地方官照例治罪將此通諭
知之欽此

道光二十六年奉

上諭御史曹澍鍾奏州縣虧那錢糧供給規禮請飭大
吏廉儉率屬一摺并片呈規費名目等語各省封疆

大吏自宜潔己奉公廉儉率屬於官民受困之處深加體恤實力整頓方為不負委任若如該御史所奏近年錢漕積弊皆由州縣趨承上司供給規禮因而浮收勒折賒及小民又復不自撙節以致錢漕愈累倉庫愈虧如楚北之折價完納蠹串分肥江浙之捏報水旱那借庫款辦漕無非以小民之脂膏供長官之糜費又如所稱督撫巡閱學政按棚藩臬道府節壽等項均有規禮供給並有填衙坐轅門各名目此皆州縣賠累之由賒之于民實虧之于國日甚一日

幾無底止若不嚴行禁絕革除積習何以飭篋篋而實倉儲着通諭各省大吏務各激發天良清廉自勵破除情面於一切地方供給規禮概行屏絕俾州縣不致藉口賠累浮收錢漕於體卹之中卽寓整飭之意儻查有陋習相沿以趨承為能事置民力於不顧者卽行嚴叅示懲各大吏如敢狃於積習不能潔清自守經朕訪聞或被科道糾叅定將該督撫等嚴懲不貸其各凜之慎之勿謂言之不豫也至另片奏稱京倉米色之壞皆緣糧艘貨多米少航工水手節節

偷漏抵通後潑水漲涇補其虧欠以致米色受傷不堪久儲於倉儲大有關係著漕運總督倉場侍郎於辦理新漕時密查旗丁經紀剝船車戶人等如有前項各弊卽行嚴拏懲辦儻糧廳各員疎於防範抑或
有受規徇隱之處著一併分別叅辦勿稍姑容將此
通諭知之欽此通行在案今擬恭載

繙譯清漢文案

一凡摺奏案件奉有清字

諭旨及案內敘述舊奉

諭旨并

上諭均移送軍機處譯漢其漢字

上諭應行繙清者亦移送軍機處繙清

一由各部院衙門行東三省事件俱兼寫清漢
字行文其東三省有具奏事件俱繙寫清摺
儻遇言語繁多之事兼繕清漢字具奏不得

僅繕漢字

一滿洲蒙古交涉事件各將軍督撫凡有清漢
一題奏事件於人名地名務須詳細對音查照
一同文韻統譯寫毋得任意舛錯其由部具題
者亦應覆加查對不得率行照繕

題奏疏冊體式

乾隆四十二年奉

旨嗣後新疆一帶奏摺文移內貿易綱緞字樣著改為
備用綱緞其哈薩克等處貿易牛馬著改為購買牲
畜所有部冊舊檔並著一體遵照更正欽此

一直省奏銷一切錢糧各列舊管新收開除實
在四柱疏內具總冊內列散彼此不得互異
其本年舊管數目即載上年實存數目如上
年已經全撥仍列明款項數目登註已用無

存字樣

一 直省題奏錢糧疏冊及鈔算達部清冊凡遇
奇零數目俱於總款下核實歸減銀數以釐
為斷糧數以勺為斷錢數以文為斷由散合
總銀數在伍毫以上者歸作壹釐糧數在伍
抄以上者歸作壹勺不及伍毫伍抄之零星
並制錢壹文下之絲毫虛數均從刪減其辦
解銅斤顏料等物以斤兩計者照銀數一例
減併凡內外一切徵支銀米有零星散數者

均於總數下歸併若賦役全書魚鱗徵冊易
知由單內細款與一切分款開銷應有散數
者悉從舊開列

一 各省具題案件題本揭帖末幅年月俱不准
挖改如紙幅不敷並將黏接之處鈐印以杜
弊端仍令各該督撫一面繕本具題一面將
揭帖隨本送部覈辦所送冊揭等項數目於
揭帖後逐一註明免致舛漏

一 各項錢糧奏銷四柱款冊內如遇無款之項

卽於本款下註明無項字樣不得僅寫無字
一題奏事件內應載地名字面均應全寫不得
率用省文節稱一字致乖體制

一各直省達部文揭并造送各項報銷冊籍尾
後務填明年分月日文冊內鈐印字蹟毋得
模糊登覆駁查各款不准率用白簽冊籍總
封實蓋印信不准外皮浮貼印花冊籍本數
於咨揭內照數註明不得僅稱一封一套等
字樣如有疎漏草率嚴叅議處

一凡官員欠帑有實在不能完納例得豁免者
其題本奏摺內應以無力完帑字樣具保不
得濫用家產盡絕字樣

一各省督撫奏報雨水地方事件務期以實不
得輒用虛詞頌揚

一到部報銷錢糧事件如原報衙門卽係在部
堂官兼理者由部議覆時該堂官迴避判稿
一各省奏銷一切錢糧有不核實請銷混以捐
墊造報者由部摘叅該督撫議處

一甘肅省報銷外藩各案或稱游牧或稱部落
或稱該處勿得沿用匪巢字樣

年底彙題事件

一各省盤查所屬倉庫

定於十一月底報部

一各省藩庫實存銀數

定於十一月底報部

一各省義倉社倉穀石數目

定於十一月底報部

一各省解司銀兩並無久存銀號舞弊

定於十

部

一各省編查保甲

定於十月底報部

一直隸永定河及江南河南黃河堤內毋許私

自增添村庄人戶

定於十月底報部

一護送隣省探買銅鉛如有盜賣沉溺情弊隨時專摺具奏若無事故

一體改
為咨報

一伊犁塔爾巴罕台喀喇沙爾庫車葉爾羌等

處房地租銀定於十月內
造冊咨報

一伊犁塔爾巴罕台購買牲畜定於十月內
造冊咨報

一伊犁收獲伯勒克馬匹賞過綢緞定於十月
內造冊咨
報

一伊犁塔爾巴罕台庫車等處牧放孳生牛羊

每年收取數目定於十月內
造冊咨報

一伊犁塔爾巴罕台喀什噶爾葉爾羌烏什等

處差防病故官兵長支銀糧豁免定於十月
內造冊咨
報

三
報

一塔爾巴罕台收獲麩價及煤價銀兩定於十
月內造
冊咨
報

一塔爾巴罕台哈薩克台吉人等帶來皮張等

物令官兵請買交價定於十月內
造冊咨報

一烏什屯田豐收兵丁並銅廠硝廠多交銅勦

硝勦兵丁各賞給一箇月鹽菜銀兩又錢局

多鑄錢文該兵丁同子等酌賞錢文 定於十月內造

冊咨報

一烏什阿克蘇因公身故兵丁賞給銀兩布疋

定於十月內造冊咨報

一烏什葉爾羌塔爾巴罕台等處軍台兵丁賞

給鹽菜銀兩 定於十月內造冊咨報

一葉爾羌獎賞探玉回夫用過普爾錢文 定於十月

內造冊咨報

一葉爾羌抽收稅務 定於十月內造冊咨報

一烏什變價各色綢緞并抽收稅務 定於十月內造冊咨報

報

一烏什屯田種地牛隻倒斃節省及屯田官員

賞給緞紗 定於十月內造冊咨報

更定題咨章程

一 接收交代

一 盤查倉庫實儲無虧

一 督撫經徵各關稅課有盈無絀及節省水腳

銀兩

一 獄囚遞解軍流口糧報銷

以上各款應行循例具題毋庸再奏

一 銅筋鉛錫開幫日期及依限過境

一 餉鞘關稅領解過境

- 一 新疆備用綢緞委員起解日期
- 一 抽收課金採獲銅筋數目
- 一 灘地租銀
- 一 海島居民並無增添偷住

以上各款應行改奏為咨隨案報部備覈

革除修例定限

道光十年奉

上諭御史王瑋慶奏六部重修則例宜率由舊章如有更改應專摺奏明通行一摺各衙門頒行律令原期垂諸久遠其有今昔異宜者固應隨時酌改然不必定限十年即開館重修一次若如該御史所稱各部則例十年一修往往不能依限告成每遲至六七年始刊刻完竣又未能即時頒發其間數年之久各省官員既無新例可遵又謂舊例已改茫無所措而書

吏得以高下其手及至刊刻頒行將屆則例重修之時新例又成廢本無所遵循且有舊例本屬美備因迴護辦法兩岐或致舍例就案輕爲更改甚或因開館爲書吏邀請議敘地步種種情弊實不能保其必無嗣後各部已頒成例毋得輕議更張如有因時制宜必應更正之處隨時專摺奏明改定立即通行各省一體遵照以免書吏影射弊混不必定限十年開館重修致滋流弊欽此

採辦報銷限期

一 直省採辦報銷之案例應專題專咨者承辦官於辦竣日起限兩箇月造冊詳報該管上司亦限兩箇月核轉題咨若動項浩繁難以趕造銷冊者承辦官及該上司各准展限一箇月至省程限及封印日期並准扣除

一 凡遇一案報銷該督撫先將動項多寡報銷難易情由於請動銀款文內預行報扣限期若有行查隔省新舊交代等事須加展報銷

者亦預行查實報部聽候察核凡報銷題咨各案承辦官何日辦竣何日限滿現在報銷有無遲逾俱隨文一一聲敘設有逾限係遲在何員亦附行聲明統聽核議倘無故遲逾或籠統造報該上司不先事查催屆限率轉希圖加展者各予議處

嚴禁官價料買

一衙門需用舖戶貨物各照市價平買毋得私立官價名目科取物件違者照例懲處

一各省府州縣等衙門除菜蔬油醬食物在其次於本處照市價平買外其餘布疋綢緞一切貨物等項或由本籍攜帶或在鄰境買用毋得於所屬地方濫行賒買致啟勒索措價之端該管上司仍應隨時稽察如有在本境賒欠等弊卽行嚴參究治

現審田房詞訟

一旗民爭控戶口田房案件旗人由各本旗具呈民人由該地方官具呈不准赴部越訴若果係該管官審斷不公及實有屈抑而該管官不接呈詞者始准赴部控訴審實將該管官叅奏議處若妄行逞刁照誣告律加三等治罪

一旗民互控事件該管官接收呈詞後應批斷者卽行批斷應送部者必查取確據確供敘

明兩造可疑情節具結送部聽部查辦不得
含糊申咨

一部審旗民互控事件如兩造匿情不吐必須
刑訊者會同刑部嚴審有地址不清必須指
丈者將旗人押發州縣令會同理事同知查
丈審結

一旗人典與旗人房地契載係康熙年間者不
准控贖

一控案行查文移八旗限一月覆部直隸地方
限兩月覆部違限查叅

一在京居住之宗室旗人收取屯莊地租如莊
頭民人等抗租霸地准其在戶部具呈官爲
查辦毋庸赴地方官衙門控告

一在京八旗婦女在部呈控地畝案件責令本
家或下子姪兄弟或母家至戚出名控告代
審如無抱告親丁許令家人抱告代審若實
無親丁家人者該族長代行呈明該叅領佐
領查明具結聲明緣由送部倘有並不填寫

抱告混行瀆控者除概不准理外仍將該管
官及該族長人等一併參辦或實有親丁匿
不出名僅令家人抱告即將該親丁究治或
實無親丁家人該族長及參佐領不為聲送
任意刁難勒索者許本人據實赴部呈訴將
該參佐領及該族長人等指名參究倘有抱
呈而控屬虛誣者罪坐抱呈
一王公等田租各令自行辦理不准咨部催追
如有違

旨咨部者除駁回不理外仍指名參奏

一入旗現審處辦理旗民交涉案件以人文到
部之日起或具稿咨查或行傳審訊限三十
日完結遇有發坊看守取保各犯俱鈐用印
票以昭慎重

一辦理八旗控告一切戶口田房事件如有必
須傳提審訊者片行該旗及該管各衙門於
文到日將應訊之人先期傳到於是日一早
差派領催開單押解送部候訊如有抗傳不

到即將該管官咨送兵部察議該領催咨旗
責處

一應訊犯証人等如實係患病該管官親驗屬
實出具印結先期報部展限如有在屯居者
計程遠近給限送部仍先期報明如限滿不
到亦將該管官及該差派領催一併參處辦
理

一旗地控案分別老圈契置如係典買地畝查
無契據者不准查辦如係老圈地畝咨旗查
檔倘旗檔年遠無存查明實有莊頭佃戶姓
名地畝四至段落以及取租底簿確有可憑
者仍准申理其應提人証除近在大興宛平
及五城地方准用票傳外若關提京外人証
概行具稿呈堂行用印文如有票仰司坊官
關提者將承辦司員參處

一在京八旗人等控告地畝案件均令親赴部
旗或步軍統領衙門具呈查辦如有旗人并
婦女等徑赴州縣以及理事廳控告者該地

戶部則例卷一百
方官即將原呈人犯解部如地方官並不攔阻遠行接呈查辦詳部者除具呈人從重治罪外仍將該地方官及該管上司一併嚴加議處

一駐防旗人遇有控告地畝事件准其就近在將軍都統等衙門呈控不得在地方官衙門投告

一直隸承德府屬各項旗人如果人地俱在該處遇有佔地追租等事准其就近赴辦事章

京處及理事同知通判衙門呈控詳報將原都統等辦理不得赴地方官衙門投告至莊頭地畝如業主在京仍照例在部旗控告行文該處查辦不得寫字交付莊頭投擲州縣呈控

一平泉等處蒙古喇嘛人等被民人在地方官呈控仍移會駐劄八溝烏蘭哈達三座塔管理稅務各部員會同辦理

一承德府屬各州縣除原經設有辦事章京并

管理稅務各部員及地畝在外居住在京者
仍照例分別辦理外其未經設有辦事章京
等官地方如八地在外之蒙古包衣各旗人
及圍場當差人等遇有佔地追租等事准其
卽赴兼管州縣之理事同知通判衙門控告
一在京八旗婦女在部呈控地畝事件無控告
者概不接收至應行質審之處卽傳控告訊

問

一應追屯居旗人及佃戶違例地價花息等項

銀兩行文該州縣按數著追批解藩庫入冊
報撥移付福建司登記辦理

一京旗控理老圈契置地畝如係初案理事廳
及各州縣不准擅受其先經奉部飭查續據
呈訴並業已結案後復控佔地賴租等事查
與原案地租佃名相符者無論該旗人本身
及遣抱告前往均准據呈訊辦限兩箇月完
結申報

一京旗原告旗人請假赴縣凡接過部咨轉行

地方官有案者在該旗徑行給假毋庸咨部
 一屯居旗人莊頭家奴承領京旗地畝者初控
 事件應赴京稟明業主呈辦其餘在屯旗人
 雖初次呈控准該廳縣接收查覈契檔就近
 審理詳報

一旗人因地畝事件告假出京扣去往返程途
 予限兩月該州縣卽以旗人到案之日起限
 兩月辦結如必應展限詳明戶部知照該旗
 俟辦結之日再令回京銷假並於文內聲明
 有無逾限字樣

一旗人因地畝事件告假赴州縣就質該州縣
 務於限內迅速辦結儻有佃戶人等串通書
 吏故爲勒措耽延等弊卽由直隸總督據實
 叅辦如果旗人在外滋事或有意逗遛准州
 縣詳部究治或旗人情願不俟案結先行回
 京者該州縣取具旗人自願回京甘結據實
 詳報

方音貝修卷二

